

籌辦夷務始末

卷二十九之三十

籌辦夷務始末卷之二十九

道光二十一年辛丑四月戊申靖逆將軍奕山參贊大臣
隆文楊芳兩廣總督祁墳奏等於四月初三日拜發焚
勒夷船摺後因新城單薄民房周環三面臨水深慮其東
西並進一時堵禦不及且漢奸到處竊伏乘機放火趕緊
將分駐城東城北官兵抽丁輪替又泥城一路汊河係由
白鵝潭往石門佛山繞道所有木排火船俱由此放出口恐
夷人分駕三板邀擊又調分駐燕塘總兵博勒恭武移營
石門小心防範該夷深懼火焚先以大兵船四五隻下碇
花地口外又以兵船停泊二沙尾下觀其動靜勢甚倉皇

等嚴飭兵勇豫備戰具而繒浦所贖火船被漢奸勾引

焚燒石門備辦木排急不能到亦恐為其所覺反使有備

正在設法另調間夷船自西南東北兩路帆檣齊進於初

三日已刻分攻西礮臺天宇馬頭東礮臺等處連環轟擊

更番疊進礮子打入新城老城之內其勢甚猛經總兵段

永福琦忠長春張青雲等督率將士併力抵禦轟沈火輪

陳批宋是戰之期查明應記

船一隻相持至暮漢奸又拋擲火罐火球陳批宋是戰之期查明應記焚燒臨水房屋

幸我兵勇奮不顧身亦以火器拋擲焚其三桅兵船一隻

陳批宋是戰之期查明應記

東礮臺打折夷人大桅一枝震落夷人四五名落水直至

三更後始行少退我兵亦有傷亡初四日黎明夷船又復

擁至彼此對擊相持半日。泥城木排船隻夷匪又分船襲

奪。經遊擊伊克坦布督率兵勇擊斃夷人數名。夷人聞礮

自炸轟碎三板一隻。伊等前飭首縣雇覓裝載礮械紅單

拖風等船為其所燒。木排草船兵勇趕緊牽入石門上流

淺處。未能焚燒。查佛山石門為通省要道。正慮該處兵力

單弱。適接前途來信。參贊大臣齊慎日內可抵佛山。伊等

公同商酌。函致該參贊。即將所帶官兵分駐佛山石門一

帶。督率總兵文哲琿。博勒恭武等在彼擇要堵禦。以防前

往滋擾。此次守禦將弁奮力勦拒。兩晝夜不息。城門堵閉。

枵腹臨敵。幸糧臺早備乾糧。縋城而下。兵丁不至饑疲。伊等

等又恐後路應援不及添派侍衛珠勒亨等並司員福奎
穆騰額筆帖式慶福江西縣丞曾承禧督率壯勇分段嚴
守以防漢奸攻撲臣祁埏同撫臣怡良飭廣州府知府余
保純南海縣知縣梁星源番禺縣知縣張熙宇於各城內
巷內設立水櫃救火器具派撥兵勇處處嚴肅惟新城之
內商民多避入老城更兼附近臨河村落匪徒搶擄百姓

係屬情事至重實非尋常可比

紛紛遷徙甚為可慮總緣虎門失守之後各處礮臺均被
占據而闖入內河盤踞省城左右各處水陸要隘俱有漢
奸為之導引探知我兵欲行進攻而逆夷引進兵船數十
隻並廣招漢奸分布內外轉相煽惑等獲多名訊明立時

奉批軍情事關重大清此佈

臬示而奸民愍不畏死趨之若鶩殊堪憤恨現在陸路官兵足數調遣等惟有鼓勵將士努力防勦將軍阿精阿撫臣怡良副都統裕瑞等晝夜輪替巡城嚴守不敢稍有鬆懈

諭軍機大臣等本日據奕山等馳奏官兵抵禦情形一摺據奏逆夷兩路分攻東西礮臺經總兵段永福琦忠長春張青雲等督率將士併力抵禦轟沉火輪船一隻並被兵勇拋擲火箭火器焚燒三桅兵船一隻東礮臺打折夷船大桅一枝震落夷人數名落水次日又復擁至經遊擊伊克坦布等督率兵勇擊斃夷匪數名夷人聞礮自炸轟碎三板船一隻等語該將軍等經朕

面授機宜到粵以後調遣鎮將督率弁兵兩次焚擊夷船多隻
逆情甚屬倉皇洵屬謀勇兼施不負委任可嘉之至惟繒浦火
船竟被漢奸焚燒復於接仗時拋擲火罐火球焚燒房屋深堪
痛恨現據該將軍等拏獲多名訊明梟示此種奸匪必須盡行
誅戮勦辦方可得手著奕山等嚴密查拏獲到一名即於訊明
時在軍前正法慎毋姑息養奸據奏齊慎日內可到即令分駐
佛山石門一帶督率總兵等擇要堵禦均著照議辦理此次打
仗守城出力各員著奕山等查明具奏候朕施恩其東礮臺打
折夷船大桅之兵丁並著查明奏請獎勵傷亡弁兵分別奏咨
賜卹現在招募福建水勇一千名業經到粵仍著該將軍等努

力防守多備礮械出奇制勝奮勇勦洗迅奏膚功同膺上賞勉之望之

又

諭有人奏本年二月內廣東夷匪滋事該處鎮遠礮臺有九千斤大礮炸裂傷斃守兵五百餘名其餘兵丁一聞而散至今未聞奏辦等語著祁埏怡良查明據實具奏又現據琦善供稱在夷船與義律講話時有直隸隨帶武弁廣東巡捕及親隨兵丁多人在旁聽聞等語琦善在蓮花岡等處屢次與義律講話是否果有員弁多人在旁抑或有時屏去從人私相談論或祇鮑鵬白含章等與聞其廣東巡捕等員概不知悉並著該督等就近

查訊隨往員弁詳晰覆奏毋許徇隱至香港地方經琦善擅許逆夷在彼貿易究竟給與全島抑止給與一隅現在該夷是否退出或仍然占據亦著祁墳等查明據實具奏再前據御史高人鑑奏鮑鵬前在廣東緣事經地方官查拏竄逸等語鮑鵬即鮑聰原犯何事該地方官因何查拏有無案據著一併查明具奏並將案據解交刑部以憑查辦

己酉參贊大臣四川提督齊慎奏訪得啖夷猖獗實由漢奸為之耳目我兵舉動彼皆先知漢奸之中為夷人服役者曰沙民與夷人貿易者曰孖毡行蹤詭秘無事之時與鬼子往來現在有事仍為鬼子偷買口糧所以鬼子得

以久擾內地伏祈

皇上飭下廣東地方文武將仔毡沙民等漢奸設法究辦以除根
莠而安善良

諭軍機大臣等本日據齊慎奏訪聞啖夷猖獗實由漢奸為之耳
即我兵舉動彼皆先知漢奸之為夷人服役者曰沙民與夷人
貿易者曰仔毡行蹤詭秘現在仍為鬼子偷買口糧是以鬼子
得以久擾內地等語廣東沿海各處漢奸充斥疊經降旨著該
將軍等於擒獲後即行正法以示創懲現當攻勦逆夷之際該
匪徒等尚敢偷買口糧接濟逆夷實堪痛恨著該將軍參督暨
該督撫等督飭地方文武員弁將沙民仔毡等漢奸設法擒拏

嚴行究辦以除狼莠而肅軍令

庚戌

欽差大臣兩江總督裕謙奏竊於蘇州舟次承准軍機大臣字
寄道光二十一年四月初五日奉

上諭裕謙到兩江總督任後將各海口防堵事宜辦理妥協即著
折回鎮海調度將弁並不時查訪定海情形軍民果否相安夷
船有無窺探情事不准稍涉大意所有欽差大臣關防仍著裕
謙管帶以專責成至提鎮各員該督相處已久其於戰守能否
相宜或須酌調方可得力之處著該督隨時察看據實具奏無
稍遷就所有調撥將備撫綏軍民一切緊要事宜均責成該督

認真經理務使首尾相應毋得顧此失彼致有疏虞又於上海
縣公署承准軍機大臣密寄道光二十一年四月初七日
奉

上諭前諭令祁墳怡良傳知林則徐賞給四品卿銜迅赴浙江候
旨本日據祁墳等奏稱林則徐業於上月十三日由粵馳驛赴
浙等語著裕謙於林則徐到浙後酌量相當差使奏明請旨將
此密諭知之各等因欽此竊念才質性凡庸仰蒙

皇上畀以兩江重任又

命管帶

欽差大臣關防經理浙江軍務受

恩愈重稱職愈難敢不勉竭血誠悉心籌度將江浙二省連成一
氣為防勦皆可恃之計惟吳淞海口為江蘇之門戶鎮
海縣為浙江之門戶相離千有餘里又須渡江盤壩五易其
舟節節阻滯即晝夜兼程必得旬日始到其文報往來必須
旬日夷船出沒於深水外洋朝南暮北並無一定即由內
洋行走而乘風順潮頃刻可到若非於鎮海上海兩處各
駐大員隨機布置竊恐有顧此失彼之虞即如棼現在上
海經理一切其鎮海定海二處幸有劉韻珂在彼督率調
度始可放心否則軍務事件間不容髮既不便據各屬稟
報之詞臆斷遥制又恐畏蕙者臨事張皇粗疏者輕敵孟

浪設誤事機。所關匪細。即將江蘇防堵事宜。籌辦妥協。折回鎮海後。其於江蘇情勢。亦復相同。且兩江總督本任。事務繁重。勢遠駐鎮海。亦恐鞭長莫及。查浙江之嘉興府。城離乍浦海口。八十餘里。由乍浦用漁船沿海行駛。如遇風水俱順。隨潮往來。於鎮海定海二處。一潮可達。即風或頂阻。不過兩潮。亦可到彼。民間船隻。絡繹不絕。聲息相通。又自嘉興內河。另有捷徑。至上海。計程二百數十里。以船代馬。數時可到。實為江浙適中之地。且為兩省咽喉要路。今林則徐仰蒙

皇上天恩。棄其瑕疵。

賞給卿銜飭赴浙江約計程期四月內總可到浙該員向為兵民所悅服逆夷所畏憚其一切設施亦能體用兼備等素所深知如蒙

聖慈飭令林則徐駐紮鎮海軍營更替劉韻珂回省即由該員會同浙江提臣余步雲督率鎮將妥為籌辦仍不時往來定海巡查彈壓該員必能激發天良仰副

委任等趕緊將上海防堵鑄礮各事宜籌辦妥協即赴寶山崇明親加籌度布置再囑署江蘇撫臣程瀚米前來上海會同江南提臣陳化成實力巡防等仍遵

旨折回鎮海將防勦事宜與林則徐余步雲面加商定再回嘉興

駐紮居中調度策應。庶江浙二省首尾相顧。彼此可以互相關照。至江蘇洋面甚為安靜。並無夷船蹤跡。魚汛暢旺。兵民輯睦。浙江洋面近亦靖謐。雖仍有一二夷船忽隱忽見。並不敢有所窺探。定海軍民相安。堪以仰慰。

宸廑

諭軍機大臣等。裕謙奏接奉廷寄籌畫駐紮地方一摺。覽奏均悉。江浙兩省為海防關鍵。必應防守周密。以杜夷匪竄越。裕謙現已接受兩江篆務。所有上海寶山各海口。諒經布置妥協。著酌量兩省適中之地。在彼駐紮。易於策應。如遇浙省有應辦事件。仍可馳往調度。裕謙赴浙時。即著程瀚采至上海會同提督陳

化感實力巡防其鎮海軍營事務著派劉韻珂辦理並著林則徐暫行協同籌辦。儻浙江省垣有應辦公事。劉韻珂回至省城。即著林則徐與余步雲周開麒會商妥辦。如有摺奏。林則徐毋庸列銜。總當和衷共濟。嚴密防堵。江浙兩省。聲勢聯絡。逆夷自不敢妄生覬覦。據奏浙江洋面仍有一二夷船。忽隱忽現。著探明究係何項船隻。現在是否尚在遊奕。據實具奏。

辛亥

諭內閣。伊里布現已到京。著派睿親王。莊親王。惠親王。定郡王。大學士。軍機大臣。六部尚書。會同刑部傳訊。家人張禧著交刑部歸案審訊。